

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- 1 नेशनल कांफ्रेंस दे नेता उमर अब्दुल्ला होरें अज्ज केंद्र शासित प्रदेश जम्मू-कश्मीर दे मुखमंत्रि दे तौरा पर सगंध लैती।
- 2 प्रधानमंत्री नरेंद्र मोदी होरें आखेआ ऐ जे केंद्र उमर अब्दुल्ला ते उंदी टीम कन्नै नेडमा तालमेल बनाइयै कम्म करोग तां जे जम्मू-कश्मीर दे लोकें दी प्रगति होई सकै।
- 3 उमर अब्दुल्ला हुंदे मुख मीं दे तौरा पर सगंध लैने दे मगरा कांग्रेस अध्यक्ष मल्लिकार्जुन खड़गे होरें जम्मू-कश्मीर दा राज्य दा दर्जा बहाल करने सरबंधी उंदी पार्टी दे धेइयै गी फही दोहराया।
- 4 विदेश मंत्री एस. जयशंकर होरें आखेआ ऐ जे सांझे जत्नं कन्नै संसाधनं गी किट्ठा कीता जाई सकदा ऐ, निवेश गी आकर्षित कीता जाई सकदा ऐ ते कारोबार दे नेटवर्क गी बधाया जाई सकदा ऐ।

<><><><><><>

Swearing in JK

नेशनल कांफ्रेंस दे नेता उमर अब्दुल्ला होरें अज्ज केंद्र शासित प्रदेश जम्मू-कश्मीर दे मुखमंत्रि दे तौर पर सगंधदा लैती। उपराज्यपाल मनोज सिन्हा होरें उमर अब्दुल्ला ते उन्दे मंत्री परिषद गी सगंध दोआई। एह कार्यक्रम शेर-ए-कश्मीर अंतरराष्ट्रीय कन्वेंशन सेंटर श्रीनगर च आयोजित कीता गेआ। उमर अब्दुल्ला हुंदे अलावा नेशनल कांफ्रेंस दे नेता सुरेंद्र चौधरी होरें उप-मुखमंत्रि ते

सकीना इत्तू, जावेद राणा, जावेद डार ते आजाद मेदवार सतीश शर्मा होरें मंत्री दे तौर पर सगंध लैती। कांग्रेस अध्यक्ष मल्लिकार्जुन खड़गे, लोकसभा च विपक्ष दे नेता राहुल गांधी, समाजवादी पार्टी अध्यक्ष अखिलेश यादव, जम्मू-कश्मीर दी साबका मुखमंत्री महबूबा मुफ्ती ते इंडी गठबंधन दे होर कई नेता शपथ ग्रहण समारोह च शामिल होए।

<><><><><><>

PM-Omar

प्रधानमंत्री नरेंद्र मोदी होरें उमर अब्दुल्ला होरें गी जम्मू-कश्मीर दे मुखमंत्री दे तौर पर सगंध लैने लेई मुबारकबाद दिती ऐ। सोशल मीडिया पोस्ट च प्रधानमंत्री होरें उमर अब्दुल्ला होरें गी शुभकामना दितियां। उनें आखेआ जे केंद्र अब्दुल्ला ते उंदी टीम कन्नै नेइमा तालमेल बनाइये कम्म करोग तां जे जम्मू-कश्मीर दे लोकें दी प्रगति होई सकै।

<><><><><><>

Congress-Statehood

कांग्रेस अध्यक्ष मल्लिकार्जुन खड़गे होरें जम्मू-कश्मीर दा राज्य दा दर्जा बहाल करने सरबंधी उंदी पार्टी दे धेइयै गी फही दोहराया। खबर एजेंसी कन्नै गल्ल करदे होई खड़गे होरें आखेआ जे ओह उमर अब्दुल्ला होरें आखेआ जे ओह उमर अब्दुल्ला होरें गी मुबारकबाद देने लेई आए न। उनें इस गल्ला पर खुशी जाहिर कीती ऐ जे उंदी भ्याल पार्टी थवां कोई मुखमंत्री बनेआ ऐ। खड़गे होरें आखेआ जे लम्में चिरै मगरा इत्थे लोकतंत्र बहाल होआ ऐ। कांग्रेस नेता गुलाम अहमद मीर होरें लोकें दे जनादेश दा सम्मान करने ते जम्मू-कश्मीर दा राज्य दा दर्जा बहाल करने दी अपील कीती। उनें आखेआ जे लोकें एह जनादेश राज्य दा दर्जा बहाल करने लेई दिता ऐ ते एह पैहल एजेंडा ऐ।

<><><><><><>

PCC-Statehood

प्रदेश कांग्रेस कमेटी प्रमुख तारिक हामिद करी हों आखेआ ऐ जे कांग्रेस पार्टी जम्मू-कश्मीर च नमी कायम सरकार च कोई मंत्रालय नेई लैग। उनें आखेआ जे प्रधानमंत्री हुंदे आस्सेआ राज्य दा दर्जा परताने बारै बार-बार कीते गेदे वायदें दे बावजूद अजे तगर जम्मू-कश्मीर दा राज्य दा दर्जा बहाल नेई कीता गेआ ऐ। जे.के.पी.सी.सी प्रमुख हों इक्क बायनें च जम्मू-कश्मीर दा राज्य दा दर्जा बहाल करने दी मंग कीती। उनें आखेआ जे कई बारी सार्वजनिक बैठके च प्रधानमंत्री होर इस बारै आखी चुके दे न पर अजे तगर राज्य दा दर्जा बहाल नेई कीता गेआ ऐ। ओह इस गल्ला गी लेइए दुखी न ते इसलै इस करी कुसै बी मंत्रालय च शामिल नेई होआ रदे। राज्य दे दर्जे लेई पार्टी दी लड़ाई अगगे बी जारी रौहग।

<><><><><><>

Farooq-Govt.

नेशनल कांग्रेस दे अध्यक्ष डॉ. फारूक अब्दुल्ला हों आखेआ ऐ जे जम्मू-कश्मीर च बनी दी नमी सरकार दौनें खितें दे लोकें दिएं समस्याएं ते तकलीफें दा हल करोग। पत्रकारें कन्ने गल्ल करदे होई फारूक अब्दुल्ला हों आखेआ जे सरकार दौनें खितें कन्ने बरोबर ते इक्के नेहा व्यवहार करोग ते लोकें दिएं तकलीफें दा हल करोग।

<><><><><><>

Mehbooba-Govt.

पीडीपी प्रमुख महबूबा मुफ्ती हों आखेआ जे 5 अगस्त 2019 जिसले दफा 370 गी हटाया गेआ हा, ओहदे मगरा लोकें बड़ा मुश्कल समां दिक्खेआ ऐ ते हुन नमी सरकार गी इस सरबंधे च प्रस्ताव पारित करना लोइचदा। उनें जम्मू-कश्मीर दे लोकें गी स्थिर सरकार हासिल होने पर

मुबारकबाद दिती। महबूबा मुफ्ती होरें आखेआ जे लोकें एह सोचिए अपना जनादेश दिता ऐ जे
सदन च गल्ल फैसले दी निंदेआ कीती जाग।

<><><><><><>

BJP-Govt.

भारतीय जनता पाओर दी जम्मू-कश्मीर इकाई दे प्रधान रविंद्र रैणा होरें उमर अब्दुल्ला होरें गी
मुखमंत्री दे तौर पर संगंध लैने आस्तै अज्ज मुबारकबाद दिती। उनें मेद जाहिर कीती जे नमी
सरकार केंद्र शासित प्रदेश दी शांति ते प्रगति लेई कम्म करोग। अब्दुल्ला होरें अज्ज मुखमंत्री दे
तौर पर संगंध लैता। 2019 च दफा 370 हटने मगरा एह पैहली चुनी गेदी सरकार बनी ऐ। रविंद्र
रैणा होरें सुरेंद्र चौधरी होरें गी उपमुखमंत्री दे तौर पर संगंध लैने लेई बी मुबारकबाद दिती। उनें
मेद जाहिर कीती जे नमी सरकार प्रधानमंत्री हुंदे आस्सेआ शुरू कीते गेदे जत्नें गी अग्गे बी जारी
रक्खडन।

<><><><><><>

ते हुन बाकी दिएं खबरें कन्नै शगुफता चौधरी।

SCO-Jaishankar

विदेश मंत्री एस. जयशंकर होरें आखेआ ऐ जे अर्थ बवस्था ते विकास आस्तै रमानदारी मती जरूरी
ऐ। उनें सोहगा कीता ऐ जे बन्ने पारा थमां होने आहली आतंकवादी, उग्रवादी ते अलगाववादी
गतिविधियां बपार ते लोकें दे बश्कार आदान-प्रदान गी बढ़ावा देने दे जतनें गी कमजोर करदियां
न। अज्ज पाकिस्तान दे इस्लामाबाद च शंघाई सहयोग संगठन दे शासनाध्यक्षे दी परिषद दी
23मीं बैठक गी संबोधित कीता। विदेश मंत्री होरें दस्सेया ऐ जे जलवायु दे खलाफ परिस्थितियां ते
माली गड़बड़ियें कन्नै मुख्य भरें च विकास ते बदने आहले गतिविधियां पैहले थमां गै प्रभावित
होआ करदिआं न। उनें आखेआ जे राष्ट्रें बश्कार सहयोग, आपसी सम्मान, सम्प्रभुता दा मान ते

खेत्रीय अखंडता पर आधारित होना लोड़चदा ऐ। बक्ख-बक्ख खेतरें च सहयोग दी लोड़ गी उजागर करदे होई डॉक्टर जयशंकर होरें आखेआ ऐ जे सांझे जतनें कन्नै संसाधनें गी किट्ठा कीता जाई सकदा ऐ। निवेश गी आकर्षित कीता जाई सकदा ऐ ते कारोबारी नेटवर्क गी बधायी जाई सकदा ऐ। डाक्टर जयशंकर होरें संयुक्त राष्ट्र सुरक्षा परिषद च मता सुधार आहन्ने पर जोर भरेआ।

<><><><><><>

Prez. Visit

त्रुं अफ्रीकी देशें दी यात्रा दे दुए चरण च राष्ट्रपति द्रोपदी मुर्मू अल्जीयर्स थमां मारिटानिया आस्तै रवाना होई गेइयां न। राष्ट्रपति होरें गी गर्मजोशी कन्नै उत्थुआं विदा कीता गेआ। उनें .. दे प्रधानमंत्री नादिर लारबोई ते होरनें उच्च अधिकारियें उनेंगी विदाई दिती। मारिटानिया दी अपनी इक रोजा यात्रा दे दौरान राष्ट्रपति मुर्मू मारिटानिया दे नेतृत्व कन्नै दपक्खी बैठकां करडन ते भारतीय समुदाय दे लोकें कन्नै गल्लबात करडन।

<><><><><><>

CM-DG

केंद्र शासित प्रदेश जम्मू-कश्मीर दे मुखमंत्री उमर अब्दुल्ला होरें सोशल मीडिया च लिखे दे अपने इक स्नेह च आखेआ जे उनें पुलस महानिदेशक हुंदे कन्नै गल्ल कीती ते आखेआ जे उंदी आवा जाई दौरान शिड़क पर ट्रैफिक गी रोकने दी लोड़ नेई ऐ। उमर होरें आखेआ जे उनें हिदायत कीती जे उंदे करी आम लोकें गी परेशानी नेई होनी लोड़चदी।

<><><><><><>

PM-NSG

प्रधानमंत्री नरेंद्र मोदी होरें अज्ज राष्ट्रीय सुरक्षा गार्ड एनएसजी गी उंदे स्थापना दिवस पर बधाई दिती ऐ। सोशल मीडिया दे इक पोस्ट च प्रधानमंत्री होरें आखेआ ऐ जे राष्ट्र स्हाड़े देश

दी सुरक्षा च उंदे अटूट समर्पण, साहस ते दृढ संकल्प आस्तै सब्बनें एनएसजी दे कर्मिये गी सलाम करदा ऐ। नरेंद्र मोदी होरे आखेआ ऐ जे खतरें थमां राष्ट्र दी रक्षा करने आस्तै एनएसजी दी प्रतिबद्धता सराहनीय ऐ।

<><><><><><>

Shah-NSG

केंद्रीय गृह मंत्री अमित शाह होरे राष्ट्रिय सुरक्षा गार्ड गी उंदे स्थापना दिवस दे मौके पर बधाई दिती ऐ। सोशल मीडिया दी इक पोस्ट च श्री शाह होरे आखेआ जे एनएसजी सर्वत्र सर्वोत्तम सुरक्षा दे आदर्श वाक्य उप्पर खरा उतरा करदी ऐ। उनें आखेआ ऐ जे एनएसजी नै फौरी प्रक्रिया सामरिक आश्चर्य गुप्त संचालन ते त्रुटीहीन सटीकता च उल्लेखनीय माहिरें कन्ने राष्ट्रिय सुरक्षा गी लगातार मजबूत कीता ऐ। मंत्री होरे एनएसजी दे उनें बहादुर जवाने गी बी सलाम कीता जिनें अपना फर्ज नभांटे होई अपने प्राणों दा बलिदान दिता।

<><><><><><>

LG-NSG

जम्मू-कश्मीर दे लेफ्टिनेंट गवर्नर मनोज सिन्हा होरे बी एनएसजी गी स्थापना दिवस दे मौके पर सब्बनें जवाने ते उंदे परोआर आहले गी दिले थमां शुभकामनां दितियां न। एल.जी होरे अपने स्नेह च 'ब्लैक कैट' दे नां कन्ने मशहूर इस वर्ग दी बहादुरी ते समर्पण गी नमन कीता ते राष्ट्र दी रक्षा लेई उंदी अटूट प्रतिबद्धता दी सराहना कीती। उनें आखेआ जे देश गी हर खतरें थमां बचाने लेई इंदे दृढ संकल्प, हिम्मत ते इंदा सर्वोच्च बलिदान सराहनीय ऐ।

<><><><><><>

Goyal-IFQM Symposium

केंद्री उद्योग ते कारोबार मंत्री पीयूष गोयल होंरें आखेआ ऐ जे सरकार देश च इक मजबूत गुणवत्ता आहली परिस्थितिकी प्रणाली बनाने लेई 'जीरो डिफेक्ट, जीरो इफेक्ट' मंत्र कन्नै कम्म करा'रदी ऐ। उनें आखेआ ऐ जे पिछले 10एं बरें च भारत च गुणवत्ता नियंत्रण च 106 उत्पादें थमां 732 उत्पादें तगर मती बद्दोबद्दी दर्ज कीती गई ऐ। गोयल होंरें एह गल्ल अज्ज नमीं दिल्ली च पैहले इंडियन फाउंडेशन गुणवत्ता प्रबंधन संगोष्ठी दे खीरले सत्र गी संबोधित करदे होई आकखी। 2047 दे विकसित भारत लेई राश्ट्रीय गुणवत्ता आंदोलन दा शासन विषे उप्पर बोलदे होई गोयल होंरें आखेआ ऐ जे भारत नै मुख्य च इक इकोसिस्टम स्थापित कीता ऐ जेदे च खिलौने बनाने लेई सारे तत्व उपलब्ध करोआए जंदे न। मंत्री होंरें उद्योग जगत दे नेताएं गी बी आखेआ ऐ जे ओह सरकार कन्नै रलियै कम्म करन तां जे गुणवत्ता आहली परिस्थितिकी प्रणाली गी सूक्ष्म, लौहके ते माध्यम उद्यमें यानि MSMEs तगर पजाया जाई सकै।

<><><><><><>